

## 64. 热痢下重

米右 住方浜路肇方弄十四号

高年七十有八,而体气壮实,热利下重,二脉大,苔黄,夜不安寐,宜白头翁汤为主方。

白头翁三钱	秦皮三钱	川连五分
黄柏三钱	生川军三钱(后下)	
枳实一钱	桃仁泥三钱	芒硝二钱(另冲)

姜佐景按:米姓妇家贫。有一子,现年三十余龄,卖旧货为业,不娶妻,母病卧床匝月,无力延医,安奉汤药!便器秽物悉其子亲洁之。史君惠甫有姑母居相近,闻妇苦病,慨代延师出诊。本案方系初诊方,即系末诊方。何者,老妇服此之后,得快利,得案寐,复何求者?依法,病后当事调理。但妇以劳师远驾,心实不安,即任之。竟复健康如中年人。

余尚忆曾治一杨左白头翁汤证,其脉案曰:利下,色鲜红,日二十行,无表证,渴欲饮水,脉洪大。论曰:热利下重者,又曰:下利欲饮水者,以有热故也,白头翁汤主之。其药味为:

白头翁三钱	秦皮三钱	枳实二钱
黄连五分	生甘草钱半	黄芩钱半
黄柏三钱		

复诊大效。

夫肠中热有燥矢者,此为实热,宜承气汤。肠中热而无燥矢者,此为虚热(在比较上言,犹言空虚之意)宜白头翁汤。胃里有实邪者,宜吐法,用瓜蒂散。胃里有虚热(亦在比较上言)者,宜清法,用白虎汤。故胃之有白虎,无异肠之有白头翁;肠之有承气,无异胃之有瓜蒂。然而胃患虚热时多,患实邪时少;肠患实热时多,患虚热时少。仲圣取其多者常者为法,故立白虎承气为阳明正治,而以瓜蒂白头翁为阳明辅治。若问肠何以患实时多,胃何以患虚时多?曰:胃居肠上,肠生胃下,上者可以传之下,下者莫能还之上